

ՈՒԺԵՂ ԿԱՆԱՅՔ, ՈՒԺԵՂ ՀԱՅԱՍՏԱՆ

#strongertogether

Եվրոպական միությունը 60 տարի շարունակ անխոնջ կերպով աշխատել է կանանց իրավունքների պաշտպանության ուղղությամբ և վերջիններիս իրենց ամբողջական ներուժն իրացնելու հնարավորություն է ընձեռել: Գենդերային հավասարությունը ԵՄ Արևելյան գործընկերության նախաձեռնության սրտում է: Այն կենսական նշանակություն ունի ինչպես կանանց, այնպես էլ տղամարդկանց անձնական կյանքում և նաև վճռական նշանակություն ունի երկարաժամկետ ժողովրդավարական զարգացման համար: Հայաստանի հետ իր համագործակցության շրջանակներում ԵՄ-ն բերում է իրական փոփոխություններ՝ ուժեղացնելով **գործարարությամբ զբաղվող կանանց**, ապահովելով **որակյալ կրթության հնարավորություններ** և առաջ մղելով **արդար հասարակության** գաղափարը:

ԻՆՉ Է ԱՐԿՈՒՄ

- **ԳԵՆԴԵՐԱՅԻՆ ԳՈՐԾՈՂՈՒԹՅՈՒՆՆԵՐԻ ԾՐԱԳՐԵՐ**
Պետական քաղաքականություններում գենդերային հիմնահարցերի հաշվի առնում և գենդերային հարցերով վիճակագրության ձևավորում
- **ՆՈՐ ԵՎ ԲԱՐԵԼԱԿԿԱԾ ՕՐԵՆԱԴՐՈՒԹՅՈՒՆ**
Հակախտրականության և ընտանեկան բռնության մասին օրենքների ընդունում և կիրառում
- **ԱԿԵԼԻ ՇԱՏ ԿԱՆԱՅՔ ԲԻԶՆԵՍՈՒՄ**
Տեղական բանկերի միջոցով վարկերի հասանելիության ապահովում կանանց կողմից ղեկավարվող ձեռնարկությունների համար
- **ՈՒՍՈՒՄՆԱԿԱՆ ԵՎ ԿԱՐԻԵՐԱՅԻ ՆՈՐ ՀՆԱՐԱՎՈՐՈՒԹՅՈՒՆՆԵՐ**
Եվրոպայում փոխանակման ծրագրերի լայն առաջարկ՝ «Երազմուս+» ծրագրի միջոցով
- **ԵՐԻՏԱՍԱՐԴ ԿԻՆ ԱՈԱԶՆՈՐԴՆԵՐ**
Երիտասարդ կանանց ակտիվ մասնակցության խթանում՝ «ԵՄ-ն երիտասարդների համար» (EU4Youth) ծրագրի միջոցով

ԿԱՆԱՅՔ ԲԻԶՆԵՍՈՒՄ

ԵՄ-ն Հայաստանում կին ձեռներեցներին աջակցում է «**Կանայք բիզնեսում**» ծրագրի միջոցով, որն իրականացվում է Վերակառուցման և զարգացման եվրոպական բանկի կողմից (ՎԶԵԲ): Ծրագրի միջոցով աջակցությունը ներառում է կանանց կողմից ղեկավարվող կազմակերպություններին **գործարար խորհրդատվության, ուսուցման և մենթորության տրամադրում**, ինչպես նաև՝ տեղական բանկերին տրամադրված հատուկ վարկային գծերի միջոցով **ֆինանսավորում**:

2019 թ.-ին Հայաստանում **226** կին ձեռներեցներ ՓՄՁ-ների համար ԵՄ աջակցության ծրագրերի շրջանակներում գրեթե **1 միլիոն եվրո** ընդհանուր ծավալով **վարկեր**, իսկ **143**-ն էլ՝ ավելի քան **1,5 միլիոն եվրո** ծավալով **դրամաշնորհներ** ստացան: Ավելի քան **2500**-ը օգտվել են **խորհրդատվական ծառայություններից**: Աջակցություն ստացած ընկերությունների **շրջանառությունն** աճել է գրեթե **36 միլիոն եվրոյով**, իսկ աջակցության արդյունքում ստեղծվել է **1592 նոր աշխատատեղ**:



«Լսեցի, որ սևանում կա նորարարական բիզնես կենտրոն, որն օգնում է երիտասարդներին, ովքեր ունեն գաղափար, բայց չգիտեն որտեղից սկսել»:

*«Քաղաքապետները հանուն տնտեսական զարգացման» ծրագրի շնորհիվ **Չոյա Սաֆարյանը** սովորեց բիզնես պլան մշակել և այժմ նպատակ ունի մարքեթինգային կենտրոն բացել:*

Հայաստանում կին ձեռներեցները հնարավորություն ունեն օգտվելու նաև «ԵՄ-ն բիզնեսի համար» (EU4Business) նախաձեռնության ներքո տրամադրվող մի շարք այլ ֆինանսավորման ու խորհրդատվական ծառայություններից:



«Ես սիրահարվեցի այս աշխատանքին: Ծրագիրն ինձ հնարավորություն տվեց նոր մասնագիտություն ու հավելյալ հմտություններ ձեռք բերել»:

Սվետա Խաչատրյանը հաշմանդամություն ունեցող իգական սեռի առաջին ներկայացուցիչն է Չավաթում, ով EU4Youth-ի աջակցությամբ որոշել է զբաղվել անասնաբուժությամբ:

ԵՄ-ն երիտասարդների համար (EU4Youth)

- EU4Youth-ը երիտասարդներին աջակցում է աշխատանքային հմտություններ զարգացնելու գործում, խրախուսում և ներդրումներ է կատարում երիտասարդական ձեռներեցության ուղղությամբ՝ առանձնակի ուշադրություն դարձնելով խոցելի և անապահով համայնքների վրա:
- ԵՄ-ն սահմանել է նպատակ՝ «EU4Youth» ծրագրի շրջանակներում տրամադրվող աջակցության 75%-ը երիտասարդ կանանց ուղղելու վերաբերյալ:
- 2018-2020 թթ. ժամանակահատվածում Հայաստանում 3461 երիտասարդ կին օգտվել են «EU4Youth» դրամաշնորհային ծրագրերի շրջանակներում կազմակերպված դասընթացներից և սեմինարներից, 147-ը մասնակցել են պրակտիկաների, 86-ն՝ աջակցություն ստանալուց հետո, դարձել են ինքնազբաղված, իսկ 12-ն էլ ստացել են դրամաշնորհներ՝ իրենց բիզնեսը հիմնելու համար:

www.euforyouth.eu

ԱՐԴԱՐ ՀԱՍԱՐԱԿՈՒԹՅՈՒՆ

ԵՄ-ի կողմից ֆինանսավորվող «Ընտանեկան բռնության զոհ դարձած կանանց համար արդարադատության մատչելիության ապահովում» ծրագիրն աջակցում է Հայաստանին՝ կանանց իրավունքների միջազգային ստանդարտները ներքին օրենսդրությունում կիրարկելու գործում: Ծրագիրն օրինապահ մարմինների պաշտոնատար անձանց աջակցել է ընտանեկան բռնության դեպքերի ժամանակ իրենց գործողությունները համակարգելու գործում:

Իմացիր ավելին՝ www.coe.int/en/web/genderequality/strengthening-access-to-justice-for-women-victims-of-violence-2019-2021

ԵՄ-Ն ՀԱՆՈՒՆ ԳԵՆԴԵՐԱՅԻՆ ՀԱՎԱՍԱՐՈՒԹՅԱՆ (EU4GENDER EQUALITY)

Եվրոպական միության կողմից Արևելյան գործընկերության շրջանակներում ֆինանսավորվող այս տարածաշրջանային ծրագիրը նպատակ ունի ամրապնդել կանանց և տղամարդկանց հավասար իրավունքներն ու հնարավորությունները՝ գենդերային դերերի շուրջ սոցիալական ընկալումները փոխելու, գենդերային կարծրատիպերը հաղթահարելու և երեխաների խնամքի և այլ տնային պարտականությունների հարցերում տղամարդկանց մասնակցությունը մեծացնելու միջոցով:

COVID-19 համավարակի ընթացքում դպրոցների փակման արդյունքում ընտանիքների և հատկապես կանանց ծանրաբեռնվածությամբ պայմանավորված՝ ծրագիրը նախաձեռնել է «Look Beyond» խորագրով նոր արշավ, որը հասարակությանը խրախուսում է նայել տղամարդկանց և կանանց ավանդական դերերից անդին, որտեղ տնային գործերը և երեխաների խնամքը սեռ չեն ճանաչում:

Էրազմուս +»

ԵՄ-ն իր «Էրազմուս +» ծրագրի միջոցով Հայաստանում երիտասարդ կանանց և տղամարդկանց Եվրոպայում փոխանակման հնարավորությունների լայն ընտրանի է առաջարկում:

«ԷՐԱԶՄՈՒՍ +»-Ի ՓՈԽԱՆԱԿՈՒՄՆԵՐԸ ՆԵՐԱՌՈՒՄ ԵՆ.

- Եվրոպայում սովորելու կրթաթոշակներ
- Ուսանողական փոխանակումներ
- Երիտասարդական փոխանակումներ
- Եվրոպական համերաշխության կորպուս
- Հնարավորություններ երիտասարդական ոլորտի աշխատողների համար
- Երիտասարդների ներգրավում բարեփոխումների վերաբերյալ երկխոսություններում

- 2015 – 2019 թթ. ժամանակահատվածում Հայաստանից 2491 ուսանողներ ու դասախոսներ ԵՄ ֆինանսավորման շնորհիվ հնարավորություն են ստացել սովորելու կամ դասավանդելու ԵՄ տարածքում: Հայաստանից 100 մագիստրանտներ ստացել են ամբողջական «Էրազմուս» կրթաթոշակ:
- Շուրջ 8000 երիտասարդներ և երիտասարդական ոլորտի աշխատողներ մասնակցել են կարճաժամկետ փոխանակումային, շարժունակության, վերապատրաստման և կամավորական ծրագրերի:

«Գյուղական փոստային բաժանմունքից ուղարկված դիմումն ինձ համար չորս տարբեր երկրներում ուսում ստանալու ճանապարհ հարթեց և սահմանեց կարիերային ուղղությունը»:

Սաթենիկ Խաչատրյանն «Էրազմուս +» ծրագրի շրջանակներում սովորել է Նորվեգիայում, Իռլանդիայում, Մալթայում և Շվեդիայում: Այժմ նա վերադարձել է հայրենիք և աշխատում է երեխաների պաշտպանության ու կրթության ոլորտում:


Իմացիր ավելին՝ «Էրազմուս +»-ը՝ Հայաստանում. բոլոր հարցերի պատասխանները՝

www.euneighbours.eu/en/east/stay-informed/cards/erasmus-armenia



«Այս դասընթացների ընթացքում մենք բավական մեծ փոփոխություն արձանագրեցինք օրինապահ մարմինների պաշտոնյաների պատկերացումներում. նրանք սկսեցին գիտակցել, որ այս չարիքի դեմ պայքարի համար իրենք հատուկ գենդերային մոտեցման կարիք ունեն»:

Լիզա Գրիգորյան, Երևանի Ընդհանուր իրավասության դատարանի դատավոր:



Իմանալ ավելին՝

ԵՄ-ն հանուն գենդերային հավասարության. միասին ընդդեմ գենդերային կարծրատիպերի և գենդերային բռնության

